

續
考
古
圖



續
考
古

圖

撰人不詳

中
華
書
局

叢書集成初編

續考古圖

中華書局出版發行

秦皇島市資料印刷廠印刷
(北京王府井大街三十六號)

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

續考古圖

此據十萬卷樓叢
書本影印初編各
叢書僅有此本

刻續考古圖序

續考古圖五卷南宋紹興間人所編佚其姓名釋文一卷据翟耆年緇史當是趙九成所撰里貫仕履皆未考宋史藝文志文獻通考郡齋讀書志明文淵閣書目焦氏經籍志高氏百川書志皆未著錄始見於錢曾遵王讀書敏求記遵王所藏南宋刊本與考古圖並行得之無錫顧詢遠後歸李滄葦延陵書目所載是也滄葦沒歸於徐

健菴遵王後從健菴借歸倩工影摹圖繪之精自稱過於宋本即今

天祿琳琅所藏

七閣所據以著錄者也書記所見藏器之人惟李明仲誠南宋尚存若王晉玉珩張仲謀詢榮詢之咨道榮子邕輯姚毅夫雄皆徽宗時人作者姓名雖不可考其必生長北宋而終於南宋無疑也書前必有序序必有題名如考古圖之式叙亡而性

名與之俱亡矣夫豈故隱其名哉人之著書患其不傳傳矣患不能久既傳且久矣而姓名轉晦名之傳固有幸有不幸歟亦作者所不料也其於曰克一藏宋公鑾鼎曰克中藏王宮匱一門羣從風流好古時代雖遙猶足動人慨慕惜皆不可考耳考古圖宋時甚行至元而陳仁子刊於金陵至明而有泊如齋寶古堂刊故流傳甚廣侯國祥文

宋以後無刊本著錄家亦復罕見余求之數十年而未得同治己卯漢陽葉氏京邸藏書散入敝肆邇來目錄列有此書而託陳小舫謝學購之而已不可物色矣甲申之夏晤潘伯寅尚書于吳門見掙架有之從翁覃溪手抄過錄者後有二跋覃溪所據即遵王影摹之本其第一跋即四庫全書館提要之底藁也爰借錄而壽之梓不見宋本

無從是正其有斷爛未數肌更
相傳徐氏傳是樓之書雍正
中金歸怡賢親王之安樂堂
安樂堂之書同治初亦不勝守
潘伯寅翁牀平兩尚書各有
所得朱修伯宗丞楊協卿太
史得之為多是書宋本不知
所歸夫物之頭晦有以時之
先後有數安得一旦宋本復
出以慰嗜古者之望而快余之
夙願也乎

光緒十三年歲在彊梧大淵獻


壯月既死霸

誥授榮祿大夫三品頂戴前分
巡廣東南韶連兵備道兼管
水利太平關監督加四級歸安
陸心源書于禹鼎廬



續考古圖卷第一

玉尺




此玉尺范忠獻家所收以秬乘合周制乃周尺也

按書曰同律度量衡度所以度長短凡五謂分寸丈尺引也凡世惟用尺者取其五度之中析之可以見分寸積之可以見丈引所以歷世因而不改也按度以周制爲準後世因革不同增損或異周制以子穀秬乘中者一乘之廣爲分十分爲寸十寸

爲尺十尺爲丈十丈爲引而五度審矣晉
秦始中中書監荀勗按大樂八音不和始
知後漢至魏尺長於古尺四分有餘荀乃
依周禮

秦權

平陽斤



銅權二一在河南李善初家一東明王氏所藏形製略同權高二寸徑寸有九分容合重六兩銘百有二字王氏權又有平陽斤三字考此權刻詞則秦二世所刻丞相綰者王綰也斯李斯也去病馮去病也按權所以施於衡然後稱物平施知輕重也五權謂銖兩斤鈞石也以小大輕重爲差圍而環之令肉倍好周旋無端周而復

始無窮已也五權之制各有差次按此權乃斤權也故有刻平陽斤者所用斤權也內外八棱而好圍外皆刻詞所以防磨鑿也

銅虎符



銅虎符得之於咸陽以乘尺按之長二寸五分頭高一寸身高八分重一兩五半分虎形背文云與濟陰太守爲合符肚肋上云濟陰右二皆篆書陷銀其陰面有二方銅柱隱起二分許所以合同處也按漢文帝二年九月初與郡守爲銅虎符竹使符注符以代珪璋從簡易也銅虎符第一至第五國家當發兵遣使至郡台符符合乃

聽受之鑄刻篆書與郡守爲合符者各分其半右留京師左以與之按通典曹州漢宣帝更召定陶後爲濟陰郡後漢因之晉魏以降屢易隋後爲濟陰郡考此符篆刻卽漢銅虎符也

銅魚符



銅魚符得之於潘勉之驗之乃唐銅魚符也
以今乘尺校之長一寸六分濶五分重
二錢符之雄者其陽刻作魚鱗形其陰面
上隱起一同字下刻廉州第一皆楷書也
按唐書志高祖入長安罷竹使符班銀菟
符其後改爲銅魚符以起軍旅易守長京
都留守折衝府捉兵鎮守之所及左右金
吾宮苑總監皆給之畿內則左三右一畿


外則左五右一左者進內右者進外始第一周而復始

行硯



右得之於西洛尼寺井中龜身長乘尺之二寸半容漢二合半長四寸徑三寸半按此龜以貯墨汁掌以援筆細處可以懸繫疑行路所用硯也或云軍行所用然觀其制作似非上古所爲但適用爲可取爾


旅簋




右得之於西洛有銘刻云叔高父作旅簋其萬年子子孫孫永永寶用凡十五字按簋深周尺七寸腹徑九寸口徑四寸半耳濶一寸刻銘於上容漢一斗八升

銅 鋤

虎安虎家銅鈐石三升重世三
肩英一




右得之興平甕釜甕突凡四物以乘尺校之甕長八寸半口徑三寸甕口徑六寸深三寸四分足高二寸突爲龍頭高四寸釜徑六寸深二寸半無銘識





右咸陽張詢殿直家得於長陵蕭城中傍
有刻字云武安侯家銅鈇一容一石二升
重四十二斤第一按田蚡孝景王皇后母
弟生長陵武帝卽位蚡以舅封爲武安侯
此鈇則漢器也說文云鈇府良切方鐘也鈇
身高乘尺之二尺一寸五分腹濶一尺三
寸五分足高二寸八分口徑七寸五分容
今斗四升重今秤十六斤

文考爵



右得之於西洛刻文於兩柱曰文考命作
高乘尺八寸半柱高一寸半深四寸足高
三寸長七寸濶三寸三分容漢一升

館陶釜




楊與權家所收形製正與余所有旅簋同
文曰河東所造三斗銅鹿金重十二斤長
信賜館陶家弟二凡二十一字得於扈深
乘尺七寸半腹一尺一寸口徑五寸半字
在腹上容漢三斗一升按長信太后宮名
故前漢孝元傳昭儀尊爲太后置左右膳
事食邑如長信宮中宮又成帝母太皇太
后本稱長信宮是也館陶家卽公主家按

前漢文帝女嫫爲館陶長公主後漢世祖
 第三女紅夫封館陶公主肅宗時爲子求
 郎者也此器未詳前後漢

楊與權所收銅龜口銜小杯塗食背上注
 水卽杯中水滿可以濡筆龜身長乘尺之
 三寸高二寸濶二寸容一台半杯長寸半
 濶七分



玉缶




長安百姓王懷慶得之底蓋全白玉爲之
廬江李伯時所收銅鳳缶形製略同碾作
雲龍異獸之狀三足熊負之高乘尺一尺
一寸當今省尺八寸五分也身深六寸蓋
高四寸口徑七寸八分當今六寸以今秤
校之重八十四兩

父癸彝



張才元楷所得銅彝刻文於腹內旁口徑
乘尺之八寸五分耳高二寸腹深四寸五
分足高二寸五分容漠一斗五升



父乙虎彝

方刻于平全
以然画用止
九瞬悉中



張才元所得銅虎彝刻文於底內口徑乘尺之八寸高五寸八分容漢一斗三升兩邊作虎頭腹方文圖乳

烏銅尊



張才元所收圓乳方文烏銅尊無文刻凡九十乳製作甚精與新平張氏所收者略同口徑乘尺之一尺五分腹深四寸五分容漢一斗八升足容四升

王師文康功家亦有一烏銅尊正相似口徑一尺一寸通高七寸八分腹深五寸八分足高二分容漢二斗亦方文圖乳凡百二十乳乳皆平